

請寬墾荒官兵起科年限

題爲投誠墾兵薄收起科難以副限、謹循例請寬
一年、以示撫恤事、案查康熙七年前督臣趙
具



題、請將投誠官兵柯鴻陳祿等、分發溫衢二府開
墾荒田、遵照定例、應該康熙十年起科、頃臣遵
旨巡歷沿海地方、經過該屬、隨據各官兵紛紛具呈、
咸稱所撥田地、多係積年老荒、坐落山僻、且砂
石礮薄、人力難施、不但開墾未完、卽現經開墾

者收穫甚薄、不足以供日食之用、若遵例起科、萬難副限、懇乞

題明寬限等情、臣又據各屬申報墾荒兵丁脫逃甚多、除經遵照近例、不必緝拿、年終彙冊報部外、該臣看得投誠官兵撥給田畝、與之墾荒、乃朝廷優恤歸誠之德意也、惟是所給一年俸餉、爲數有限、而所撥田土、多係磽瘠老荒、以致畊種繁難、收成微薄、且此輩乍離營伍、甫就耒耜、又與土著農夫不同、所以迄今有開墾未完者、有牛

種已費、不能開墾、因而脫逃、尚需招人頂種者、今當起科之年、贍口尚且不敷、安能輸糧辦課、若加催比、勢必相率逃亡、臣巡歷所過、據其控訴、情懇甚真、伏查山東山西二省墾荒兵丁、曾經該省督撫諸臣題

請寬限起科、業蒙部覆

俞允在案、今浙省墾兵窮困情形、大約相類、仰祈

皇恩俯准寬限一年、責成起科、其七年以後、分發處州府屬開墾者、亦准於三年定限外、再寬一年、

照例徵輸，俾若輩得以悉力南畝，安居樂業，庶幾荒蕪漸闢而

國課無虧矣。應否允行，統候部議請

旨定奪。臣謹會同浙江撫臣范 合詞具

題，伏乞

敕部查議施行。

康熙十年五月初八日

題，六月初九日奉

旨，該部議奏。

請留黃巖張令

題為縣官考成降職，士民公懇保留。臣謹據情入告，仰請

睿裁事。臣遵

旨巡歷沿海地方，於四月初十日行至黃巖縣，有該縣里民紳士何維榮等二千餘人，擁臣馬首投遞公呈，據稱本縣知縣張中選蒞任八載，愛養撫綏，民受其惠。今因康熙七年帶徵歲叅錢糧未完，部議降職四級調用，民等如失怙恃，情願

設措完納、懇乞特疏

題畱本官、以安萬姓等情、臣隨論以考成定例、未便輕議、爾等俱各回家樂業、不必守候致失農時、去後、當據黃巖縣知縣張中選申、爲邊方軍務殷繁、亟請委員署理事、內稱職、因康熙七年錢糧、原叅未完二分、以上、今經限滿、仍未全完、奉部議、照例降四級調用、奉有依議之

旨、部文一到、卽應離任、除見在杜門、開造各年經徵錢糧、交盤冊籍外、擬合詳請、亟賜遴委幹員、署

理印務等、因到臣、臣隨批云、該令循職宜民、因公鐫級、頃據士庶保畱情詞、真摯、應否畱候新官交代、一面清查任內經手錢糧、仰台海道查議通詳報發行在案、及臣自黃啓行前赴台州、復據前呈士民數千人、追隨沿途、呼天捨地、必請允畱本官、方得安心樂業等情、臣又面問縣官、是何善政、據實供來、爾等旣欠錢糧、以致本官被叅降職、今雖保畱、有何益處、又據士民回稱、縣官自二年臘月到任、實心愛民、勵精圖政、

一切供應火耗等弊、釐剔殆盡、又省刑矜獄、息訟勸農、遇有兵馬經臨、多方安頓、供應草料等項、一一親自平價採買、民情帖然、望有起色、至於所欠錢糧、非是縣官催徵不善、亦非小民頑抗、拖逋、蹇遭五、六、七、八、年連歲水旱、頗仍、雖奉恩蠲、終艱輸輓、今有租之田、與見年額賦、見在拮据支持、惟因帶徵併追、一時不能副限、况兼上年闔城火災、慘苦萬狀、正賴賢令撫綏、豈料因公降級、若一旦更換新官、勢必初任生疎、安能周

悉民隱、今民等情願變鬻家業、補完前銀、求代題保、畱本官復任、救安殘喘、免得民等萬里叩關等情、臣又善言慰諭、俱令回籍外、竊思錢糧叅處、關係考成、臣何敢冒昧瀆

請、但臣訪得本官平日果係愛民、盡職、具有才能、茲又據民情如此迫切、臣既膺察吏安民之責、若屬員不職者、固當糾劾、以除民害、今屬員能盡職守者、又何敢引嫌、緘嘿、不以保

奏乎、且該邑邊海巖疆、尤需能吏、固圍寧民、實與

內地易治者不同應否

俯准該縣知縣張中選戴降畱任一面將未完錢糧

按數徵完容臣等另疏請

旨定奪是在部臣議覆恭候

睿裁非臣所敢擅必也謹會同撫臣范

合詞具

題伏乞

敕部議覆施行

康熙十年五月初八日

題六月初十日奉

旨該部議奏

定戰船灣泊處所

題爲酌定戰船灣泊之處并議哨船堵截之法以

固海防事案查

上差副都統臣查

會疏具

題爲所存戰船安置得益之處等事議將温州府

所存戰船二十九隻內十九隻灣泊江心寺小

船十隻灣泊龍灣黃巖縣所存戰船三十四隻

內二十隻灣泊黃巖浮橋小船十四隻灣泊海

門前所寧波府所存戰船七十二隻內六十二

隻灣泊寧波浮橋小船十隻灣泊定海縣弁責成各鎮將派兵看守先經具題奉有

俞旨行臣等欽遵在案頃臣巡歷温州隨據温州鎮總兵官咨呈內稱溫區所存戰船二十九隻前題內以小船十隻灣泊龍灣防守今查龍灣地方直衝外海颶風時作巨浪滔天竝無轉折處所可以避風防患兼屬一派浮沙難以拋錨下旋若必於此處灣泊難保無虞今議將前項小船十隻與大船十九隻一併於江心寺深水之處

聯艖灣泊聽候不時調遣巡防剿禦遇有狂風猛浪易於收浦等因及臣巡歷黃巖又據黃巖鎮總兵官咨呈內稱戰船關係重大灣泊處所自宜謹慎但海門前所江港水勢洶湧潮汐颶作流急難防無如一併泊于黃巖浮橋港內庶看守無虞卽瞭有逆艖遊移洋面亦便迅追駕剿等因臣親詣泊船處所查看其江港水面形勢果與二鎮所言無異且雖稱小船卽次號戰船非輕捷之小船也相應如其所議該臣看得

設立水師戰船原以堵外護內故必審度形勢、控扼險要而後平日聯艦操演可無風潮之慮、有事調集便易克收捍禦之功如溫州見在戰船二十九隻前議分派十隻泊於龍灣黃巖見在戰船三十四隻前議分派十四隻泊於海門前所今據各該鎮詳稱二處風潮不便難以泊防經臣查驗無異相應將溫州前泊龍灣之船俱同泊於江心寺深水之處黃巖前泊海門前所之船俱同泊於黃巖浮橋之內惟寧波見在

戰船七十二隻照前分泊寧波浮橋與定海縣二處無庸更議又查溫州見議添船十一隻黃巖見議添船六隻定海見議添船八隻俟工竣之日亦應各照汛地一併聯艦住泊者也再照先為恭報捐造哨船等事該臣等題

請於寧台溫三區捐造哨船六十隻以為出洋搜剿時哨探往來之用見候部文遵行今擬將前項哨船遇搜剿則隨同戰船出洋遇回師則分防各處汛地如溫州哨船議泊于龍灣黃巖哨船

議泊於海門前所寧波哨船議泊於定海關蓋以此船輕快便捷利於把守巡防若平常灣泊之日列港排連設遇內奸透越小船斷不能飛渡而過設遇外寇侵犯警息更可以傳哨預防且猝值颶風時作便於收浦避患若必用重大戰船灣泊而不用此輕快之小船不但海口風潮可慮且遇奸人偷越之船難以堵截追獲甚非計之得也臣又竊計設立水師所以佐陸防而靖洋面也尚有三區船兵懸隔之處如平陽

之雷瀆大江乃金鄉平陽接壤要津又瑞安之飛雲渡大江乃平陽瑞安接壤要津時有兵民船隻往來必由之路此地兩岸山崖雖設有臺兵看守但無船兵堵截是止防於陸而不截於水倘有奸徒偷渡不特風雨晦冥之時臺兵瞭望無及即使白日瞭見欲悉切追捕則以路遠不能欲施放砲矢則又濠濶難到故必須設立船兵而後堵外護內之法水陸兼防之義兩得之矣今臣議於雷瀆飛雲二江各設哨船二十

隻卽於該營官兵內派撥看守灣泊於海口之內以杜奸民透越之弊此又二汛防海要務不可不亟行者也臣又查寧屬大嵩所與象山汛地相對之處有湖頭渡江面離海口二十餘里臣等見於酌定營制疏內請於此處設立船兵扼防蓋因此處幅裏有寧海奉化鄞縣汛地相接前此會閱安兵之時緣戰船安置不用不便用船故止於江干兩岸延袤曲折設立臺寨三十四處而湖頭渡未議設兵今三區旣設戰船

方且出洋搜剿則此處設立船兵必不可少臣等議於湖頭渡設立哨船二十隻卽責成大嵩象山駐防南北兩岸官兵看守使之外探賊警內遏奸萌而寧海象山奉化各汛原設臺寨三十四處可以盡撤又按象山一縣孤懸海外設遇賊寇警息勢必望援寧海寧波二處但二處去象各有陸路二百餘里崇山峻嶺策應難前今於此處設船則象山縣城離湖頭南岸止坦途二十里一江之隔卽達大嵩寧波半日可以

猝至而象山更可保守無虞是湖頭渡船兵一舉外既可以禦寇警內又可以杜透越且原設江岸臺寨官兵可以省減多處而象山城守應援更得恃以無恐一舉而數善備焉此尤堵外護內控扼險要而不可不亟行者也以上寧台溫三區灣汨戰船哨船事宜與溫屬之雷瀆飛雲渡寧屬之湖頭渡安設哨船官兵事宜皆臣親身巡閱逐細相度確宜如是竝非懸揣故敢備述上

題伏祈

皇上睿鑒允行則水陸兼防庶幾畢備而海疆大有攸賴矣至於成造哨船工料銀兩除定海黃巖溫州三鎮哨船係臣等捐貲成造已於前疏報聞外所有今議雷瀆與飛雲湖頭二渡哨船擬於臣等疏請開納臺寨事例銀兩內一體動支事完核實銷算日後年例修葺准隨估修戰船冊內一併估報修驗可也相應一併

題明臣謹會同浙江撫臣范

提督臣塞

合詞密

題伏乞

皇上

敕下該部查議施行

康熙十年六月初五日

題七月初二日奉

旨該部議奏

請銷操演火藥

題爲備禦莫善於砲火、取勝莫貴於操練、敬陳一得之愚、仰佐萬全之策、以固封疆、以明職守事、
據浙江都使司楊禎詳稱云、云等因到臣、據此、
該臣看得砲火爲軍中神器、乃攻擊守禦之要具也、故鏡砲必時加洗放、而後無銹澁炸爛之慮、砲手必時加操演、而始免生疎倉猝之虞、若竟不試放、則有砲與無砲同、豈

國家用武建威、有備無患之初義乎、矧浙省沿海

要地、見在設立水師戰艦、全藉火器取勝、尤當亟亟舉行者也。臣巡歷沿海、責成各營水陸官兵試放操演、大約率以向例、不准開銷火藥為請。臣思軍需所係、若責以試放銃砲、而不准開銷火藥、則捐輸賠贖、官兵俸餉無多、且硝磺例係官買、亦難免漏販營私之弊。揆之理勢、實有窒碍難行者。隨檄行都司酌議去後、今據該司具詳、議以按季試演、并稱各營存貯銃砲、銹澁兵丁整練生疎、事同一例、難分衝緩等因。備造

各標營大小銃砲、應用火藥數目、分別核實造冊前來、合無仰懇

皇上俯念浙海重地、准將各營銃砲依期試放、并准開銷官藥、則營伍有一定操練之規、而剿禦克收軍火神器之用、計所費之貲有限、實有裨於海疆者、匪淺鮮矣。其用過火藥容臣按數核明、於年終造冊報部、銷算存案、以免糜費之虞、以示樽節之義。臣從捍衛疆圉起見、不敢惜小費、而緘嘿不言、仰祈

皇上睿鑒允行、除將該司造到清冊、揭送工部查核、外、臣謹會同提督臣塞、合詞密

題伏乞

敕下該部議覆施行、

康熙十年六月初五日

題七月初二日奉

旨、該部核議具奏、

報明應造臺寨再請准開事例

題為報明應停應設、應改臺寨處所、并請准行援
納事例、以竣大工、以重海防事、案查康熙九年
十月初五日、臣准兵部咨為欽奉

敕諭第四本條議臺寨防守機宜事、內開云云等因、

移咨到臣、准此、俱經臣通行、欽遵在案、今臣巡
歷浙東沿海寧紹台溫四府、更定停設臺寨數
目、該臣看得浙省沿海各郡、先經

上差都統會閱安兵議設臺寨處所、總計新舊臺三

百四座、新舊寨三十四處、內除舊臺舊寨不計工料之外、原定造臺一百九十一座、造寨二十六處、內寧波府造臺五十七座、造寨六處、台州府造臺七十五座、造寨一十二處、溫州府造臺五十七座、造寨八處、杭州府造臺二座、紹興府造臺一座、又台州應修石寨二處、木寨一處、并新舊各寨內安兵營房、通共估計實需工料銀六萬四千二百七兩二錢零、先經臣等會疏題報在案、今臣遵照部議、將不緊要處所臺寨、停其修

造、現議應停應改之處、謹已詳列如右、計應存留新舊臺二百七十四座、新舊寨二十二處、寨內安兵營房五千一百八十四間、又酌量哀減改設官兵數目、見在另疏題

報、蓋設臺瞭望、所以傳報警息、設寨安兵、所以禦寇緝奸、原與水師戰船相需爲用、非因旣設水師、遂可遍防各處、竟置臺寨官兵於不講也、至於需用工料錢糧、原估六萬四千二百七兩有奇、茲按報部原冊、扣除原估應修應造臺寨、今停

減工料銀四千六百一錢五分零又扣除原估
應造寨內營房今停減工料銀一萬五千六百
九十八兩九錢總計應除減臺寨營房工料銀
一萬九千七百五兩八分零今計新造臺一百
六十六座修造寨二十處并寨內安兵營房五
千一百八十四間實尚該工料銀四萬四千五
百二兩一錢九分一釐內原報各官捐輸銀三
千七百五十二兩九錢一分零錢三萬四千二
百四十文米六十五石算銀三十九兩又續據

紹協副將李禎捐輸銀三十六兩三錢定海城
守叅將高滿敖守備苟天麒共捐銀八兩實尚
不敷銀四萬六百三十一兩七錢有零此中有
應還原借司庫銀一萬兩亦在其內先是臣等
因工費無出請照通州修城三省恤災事例兩
疏籲

聞未蒙部允查兵部會議內云既立水師將不緊要
處所臺寨停其修造則援納事例應無容議等
因戶工二部覆疏內云該督既稱捐輸銀兩萬

難取盈查康熙四年戶部題定則例俊秀捐銀五百兩准監通行各省在案仍應請

敕該督撫復勸諭各官捐輸如不足照見行例令俊秀捐助納監卽將所得銀兩動用等因在部臣循例以覆所執者例耳殊不知事有窒礙難行理當權宜通變者今日河工開納事例官員納銀二百五十兩者紀錄一次五百兩者紀錄倍之俊秀納銀三百兩者卽准入監乃獨於臺寨營房之捐輸仍執舊例而行夫人情之於財帛

也、未有不衡較多寡以定去就者也、彼既有二百五十兩可得紀錄、三百兩可得監生之例、誰肯就五百兩纔得紀錄監生之例乎、譬如市物於此、價多者得之、價少者亦得之、雖有至愚之人、不能以術誘其去少而就多、抑雖有至賢之人、亦不能以義勸其就多而去少、此理勢斷然無是異也、前臣於兼轄浙閩時、曾以閩省臺寨援例上

睿鑒允行矣。是浙閩兩省均屬海疆，前後兩疏均屬臣請部臣謀

國深長，當不因彼此後先復有同異耳。伏祈

皇上特允浙省臺寨營房工價，比照舊日通州修城直省恤災與見行河工事例一體減數開納，俟工完之日

題明停止。其官員俊秀遵例捐納者，照例一面出給實收，一面按季題

報聽部臣查考議覆。是公帑不費而防海有資，計莫

便於此也。雖然，河工之開納方殷，而淮揚之賑荒又在

廷議竊恐民窮財盡之秋，勸輸尚非易易，倘仍執捐銀五百兩之例，則多寡數目判然，誰肯去彼就此。此四萬六百餘金之大工，既無正項可動，又無捐納指望，臣等復有何點金神術乎。事急時迫，不得不再籲

瀆陳仰冀

皇上俯鑒愚懇

特賜恩原封疆幸甚、徵臣幸甚、除行布政司備造清冊送部查考外、再查冊開應用應除數目俱照前冊估計、按數科算、先據布政司詳稱各府所用木石工料多寡不等、搬運地方有遠近不同、人工物料有貴賤不一、不能強之使齊、各就其中再三核減、不惟無浮冒之弊、而且過於撙節、等因、臣業於前疏備述具

題在案、相應一併

題明、臣謹會同浙江撫臣范

提督臣塞

合詞密

題、事關海防要務、貼黃難盡、伏乞

皇上

睿鑒全覽、

敕下該部速賜議覆施行、

康熙十年六月初五日

題七月初二日奉

旨、該部議奏、

酌定沿海營制

題爲遵

旨酌定沿海營制、臣謹具疏

題明仰祈

睿鑒事、案准兵部密咨、該臣等會題爲欽奉

敕諭第二本、條議剿禦機宜事、議政王等議覆內開

該督等旣稱水師官兵船隻應照舊設立相應

如議設立水師不必另添官兵卽查原有水師

官兵立爲水師仍着陸路提督管轄其營制事

宜俟該督提公同議妥具題到日聽該部議覆等因覆奉

俞旨各行臣等欽遵在案今臣巡閱沿海謹會同提督臣塞

議得先該

上差都統諸臣遵

旨會閱沿海案內安設各營汛守臺寨官兵除將仍應照舊者不議外一溫州鎮原有官兵三營前議將右營官八員兵一千名抽貼瑞安縣城及撥防海安所并東山等臺八處今該鎮既設水

師合用水兵一千二百名又出洋時需用戰兵一千五百餘名配搭上船雖經臣等先議於平陽鎮標臨時抽配但往返調撥似屬未便莫若卽以本標官兵配船爲妥故議將原貼瑞安等處官兵俱應調還溫鎮標下其所遺汛地另撥瑞安官兵派防於後一瑞安縣原有叅將一員守備千把總四員兵五百名前議抽調溫鎮右營官兵貼防該縣今溫鎮官兵旣經撤回此處有飛雲大江并所管汛地不足防守議將平陽

城守營副將一員守備一員千總三員把總二員帶兵五百五十名、合瑞安原有守備一員千總一員把總二員兵五百名、共兵一千五十名、副守千把等官十一員、改爲瑞安城守副將營、其所轄海安所、原設守備一員把總一員兵三百名防守、但查海安係屬內地、相應裁去、惟此處所管梅頭山臺、通臨大海、臺內山腳之下、舊有梅頭古堡、不必另設寨城、應將舊設海安所之把總一員、帶兵一百名、駐劄梅頭古堡防守、

兼管梅頭山臺、省減守備一員兵二百五名、歸還縣城、又東山江岸臺、撥兵十名、東山上馬周、田小店、龜山、共五臺、各撥兵五名、看守、該營副將一員、守千把九員、兵九百一十五名、畱在瑞安縣城內、一平陽城守營、既改爲瑞安營、應將原瑞安營叅將一員、移駐平陽、統領原平陽營所存守備一員、千總一員、把總二員、兵五百名、改設爲平陽城守叅將營、所轄雷瀆江口北岸砲臺、原設兵二十名、今應減去十名、止畱兵十

名看守、又峯山寨原設把總一員兵一百名今查此寨僅離平陽縣城十里不係險要應裁又宋埠寨原設千總一員兵二百名今議減兵一百名以上三處計減去把總一員兵二百一十名歸還縣城惟沙園所原設把總一員兵一百名今應照舊又蔡家洋畧黃坭仙口陡門浦口等六臺仍各設兵五名共兵三十名分派看守餘存兵二百六十名叅將一員守備一員把總一員畱存平陽縣城內一温州協守營原有副

都千把等官八員兵一千名前議抽千總一員兵二百名分防黃華關岐頭山等臺寨四處但查此地距温州府城六十餘里隔越盤石一營似屬寫遠且溫鎮旣設水師則城守實爲兵單今議將前派黃華關等處臺寨官兵俱行撤還温州府城就近於盤石營止撥千總一員兵一百名防守黃華關寨并岐頭地團沙頭等三臺以上係温州所屬酌改營制汛防事宜也其平陽鎮金鄉寨與寧村樂清大荆等營俱無庸議

一台州府黃巖鎮原有官兵三營前議將左營千總一員兵二百二十名派防新河所并金清洋嶼等四臺又將守備一員兵三百一十名派防海門衛并界牌烽墩二臺又將右營守備一員把總一員兵三百二十名派防前所并畫眉山等四臺今該鎮既設水師合用水兵一千二百名及出洋時需用戰兵一千五百餘名配營上船雖經臣等先議如鎮兵配船不足於台州協營臨時抽湊但往返調撥似屬未便莫若俱

以本標官兵配船爲妥故議將原派新河前所海門等處臺寨官兵俱行調歸該鎮標下其所遺汛地另撥黃巖城守台州協守營派防於後一黃巖城守營新定叅將一員已經

題明候部推補其守千把等官七員原係舊寧海鎮標中營改設所有黃巖鎮原管新河所汛地及金清等四臺原撥黃巖鎮千總一員兵二百二十名防守今已將鎮兵撤還外查新河係在幅裏不必安設官兵改設於金清壩撥黃巖城

守營把總一員兵七十名防守金清港并看管
金清洋嶼雙橋洪家等四臺其餘官兵俱留黃
巖縣城內一原寧海鎮標三營官兵除中營已
改黃巖城守外尚存左右二營官兵二千一十
六員各查當日分派汛守之時因寧海縣與寧
波府屬之象山縣壤地相接以致派撥錯雜事
屬不便今議各歸各汛擬將原寧海鎮右營守
備一員千總二員把總四員兵五百名歸入寧
海城守營又撥兵一百名歸入象山營又撥兵

四百名歸入定海城守營又撥原寧海鎮左營
守千把等官七員兵一千名歸入台州協守營
所有分派汛地各列於後其原鎮標左右二營
遊擊二員俱應裁去回部另惟一台州協守營
原有副都守千把等官一十七員兵二千名所
屬汛地外有沿海內有郡城及天仙等縣官兵
不足防守故議將原寧海鎮標左營除遊擊裁
去外撥守備一員千總二員把總四員兵一千
名再請設都司僉書一員改爲台協中營所屬

海門衛原設黃巖鎮左營守備一員兵三百名
今將官兵歸還鎮標外應撥台協守備一員兵
三百名防守兼看界牌烽堠二臺又前所原設
黃巖鎮右營守備一員把總一員兵三百名今
將官兵歸還鎮標外應撥台協守備一員把總
一員兵三百名防守兼看畫眉岸頭三石竹嶼
四臺又桃渚所原設該協守備一員兵三百名
今減兵一百名仍設兵二百名并設上長干山
石柱手爐張司畧太平山等六臺兵三十名又

小雄寨原設該協千總一員兵二百名今減兵
五十名仍設兵一百五十名并設昌埠高湖蝦
墓上鄭等四臺兵二十名其關頭寨原設該協
千總一員兵二百名并門傑柵下金家里浦四
臺兵二十五名無庸更議台協三營除分派以
上各臺寨外今又議貼防太平縣官兵二百一
員各其餘存畱郡城并分派內地天仙二縣各
處汛地之用一太平營所轄平頭寨查此處不
過瞭望今議改寨爲臺原設千總一員兵二百

七十名裁去止設平頭臺兵五名餘歸縣城防守再查太平縣見設叅將一員守千把共七員兵一千名又金巖二協貼防兵二百名計分防東輿隘頑六都村三寨兼臺十四座用守備一員千把總三員兵五百五十名又新改平頭臺及原設大麥青嶼下樓石橋三山徐都共七臺用兵三十五名餘存官兵不敷防守故議將台協營內撥把總一員兵二百名貼防太平縣城一象山與大嵩所相對之湖頭渡其幅裏有寧

海奉化鄞縣汛地相連係海口通江險要處所當日止於江岸延袤曲折設立溪下缸窰鄞鐵塲等處臺寨官兵防守而湖頭渡未曾設兵今擬於此處設立船兵扼防則外禦賊警內杜透越形勢要害莫過於此且可省減寧海象山奉化臺寨三十四處裒減各營官兵一千七百九員名以敷各處改水爲陸之用此水陸兼防扼要馭險之着也故議將駐防大嵩所提標官兵內撥守備一員把總一員兵二百名駐防湖頭

渡北岸汛地又撥象山營千總一員兵一百五十名駐防湖頭渡南岸汛地其酌設哨船現於另疏

題明一寧海所屬寶畧司寨原設千總一員兵三百名又柘浦寨原設把總一員兵一百五十名今議二處俱改寨爲臺立爲寶畧司臺柘浦臺二座各安兵五名看守又溪下寨原設千總一員兵二百名缸窰寨原設守備一員把總一員兵二百五十名今旣於湖頭渡設兵二寨官

兵相應裁歸縣城并幅裏鐵場戴山海口缸窰竈浦長盤鴉鵲峽山烏石井欄柴溪等十一臺俱應裁去又裁去托畧鄭公羅畧赤礁等四臺新造火燄山頂一臺安兵五名足以傳烽瞭望又海游寨照原設守備一員把總一員兵四百名越溪司寨照原設千總一員兵二百名此二寨相應仍舊并畧白巖虎尾大山爐城西洞長灣寶畧山嘴連蛇風坑老鼠牛腿爛頭王見石墻楊梅相畧香花車畧及新設之火燄寶畧柘

浦、共臺二十一座、用兵一百零五名、總計寧海城守、原設叅將一員、守備一員、千把六員、兵一千名、今撥原寧海鎮標右營守備一員、千總二員、把總四員、兵五百名、歸入寧海城守、分爲兩營、共叅守千把十五員、兵一千五百名、除分防本屬臺寨、守千把三員、兵七百零五名外、其餘官兵、俱畱住寧海縣城、一寧波府象山縣所屬泗洲頭寨、原設把總一員、兵一百五十名、今議改寨爲臺、將官兵裁歸縣城、改立泗洲臺一座、

安兵五名、又西宅寨、原設守備一員、把總一員、兵三百名、牆頭寨、原設千總一員、兵二百名、今旣於湖頭渡設兵、此一寨官兵、相應裁歸縣城、并以內蓮花門、石槽、界牌、四臺、俱應裁去、又爵谿所、原設守備一員、把總一員、兵四百名、今議減兵二百名、止設千總一員、兵二百名、防守、又錢倉所、原設遊擊一員、千總一員、把總二員、兵五百名、今議減兵一百名、設都司一員、把總一員、兵四百名、防守、并裁錢山西山二臺、止

畱靈巖、花墻、黃畧、烏江、七里、東史、石柱、王家東溪、田灣、金井、岳頭、龍洞、屏峯、長沙、雞報、塗茨中保、蒲門、下章、木瓜、馬畧、白嶼、蝦蟆、及新設之泗洲臺、共臺二十五座、用兵一百三十名、又新撥駐防湖頭渡南岸、千總一員、兵一百五十名、總計象山城守兩營、見設副將一員、都守千把官十六員、兵一千五百五十名、今撥入原寧海鎮右營、兵一百名、共兵一千六百五十名、除分防本屬臺寨汎地、都司一員、千把三員、兵八百八

十名外、其餘官兵俱畱在縣城、一大嵩所、原抽提標官兵防守、奉化縣所屬各臺寨、今議於湖頭渡北岸、設守備一員、把總一員、兵二百名、防守、相應將原設吳家埠寨、千總一員、兵二百名、原設應家棚寨、把總一員、兵二百名、原設塔山司寨、把總一員、兵二百名、此三寨官兵、俱裁歸大嵩所駐防、又將湖頭渡以內、江口、塔頭、屏峯、馬頭、礁頭、應家、黃賢、柵、礁、巖、樓、鳳、跳山頭、鮎、鱒等十二臺、供應裁去、止畱大嵩所一寨、弁奉

化所屬之長嶺是頭二臺、鄞縣所屬之黃牛嶺、橫山、球珠、趙家基等四臺。定海鎮原有官兵三營，前議撥千總一員、兵二百名防守崑亭寨，又撥守備一員、把總一員、兵三百名防守穿山所，又撥看守江南岸砲臺兵二十名、看守盤山等十八臺兵九十名。今定鎮已設水師，應用水兵二千二百二十名，官兵實不敷用。議將原撥防守前項臺寨官兵俱行調還該鎮標下，其所遺汛地另撥定海城守營官兵派防於後。但該

鎮標戰船八十隻，倍於溫黃二鎮之數。出洋時需用戰兵配搭上船，餘兵不足應用。臣等先議於提標官兵內臨時抽配，仍照前議可也。一定海城守營原有叅將一員、守千把等官七員、兵一千名。今議將原寧海鎮標右營撥兵四百名歸入該營，共兵一千四百名。所有該管龍山所前設千總一員、兵二百名，今減兵一百名。止撥把總一員、兵一百名防守。又崑亭寨原設鎮標千總一員、兵二百名，已經歸還鎮標外，今減兵

六十名改撥定海城守營千總一員兵一百四十名防守又穿山所原設鎮標守備一員把總一員兵三百名已經歸還鎮標外今減兵一百二十名改撥定海城守營千總一員兵一百八十名防守又江南岸砲臺用兵二十名廟東獅子菖蒲東畧蝦康箬雷東山司前小門穿山村林大東堵大漁打鼓張師笠山汪家鷺鷥路南蟹浦青溪石塘伏龍施公等臺二十四座用兵一百二十名派守應裁去所後小山二臺總計

定海城守營官兵一千四百八員各除分防所屬臺寨千總二員把總一員兵五百六十名其餘官兵俱畱住定海縣城以上係台州寧波二府屬酌改營制汛防事宜也一紹興協守營原有副將一員都守千把等官十六員兵一千八百五十名前議撥守備一員把總一員兵三百名防守慈谿縣所屬之觀海衛今議減兵一百名設守備一員把總一員帶兵二百名防守又前議撥千總一員兵二百名防守臨山衛今查

臨山係紹屬沿海適中之地東西有警可以策應議改設都司僉書一員酌減兵五十名仍帶兵一百五十名防守又前議撥千總一員兵一百名防守瀝海所今議減兵一百名仍設千總一員帶兵一百名防守又前議撥都司僉書一員把總一員兵三百名防守三江所今查三江離郡城止三十里緩急易於應援應改設千總一員帶兵一百名可以防守又原撥自觀海衛起至蕭山縣止沿海各臺兵共計一百七十名

今應照舊其東路瀝海所起至觀海衛止責成該標右營都司巡察西路自桑盆臺起至龕山止責成左營都司巡察其餘所存官兵俱畱紹興府城及派防內地各縣城池汛地之用以上係紹興府屬酌改營制汛防事宜也臣查部文有云不必另添官兵卽查原有水師官兵立爲水師等語今臣等不得刻意衰減通融將各處陸兵抽爲水師以符部議其前題裁去原寧海鎮標中營遊擊一員今議裁去原寧海鎮標

左右二營遊擊二員、應聽回部另用、前題請設黃巖城守叅將一員、今議請設台州協守中營都司僉書一員、應候部議推補、再查案爲財賦盡糜於兵餉等事、部文原行浙省、共裁兵丁三千六百名、茲因各營尚未汰足、是以仍照原額、派撥、應俟汰足之日、按各營制照數除減可也、相應聲明、至於各鎮統轄營汛、先爲遵

旨、會閱沿海等事、該臣題定、將平陽瑞安二營歸與平陽鎮統轄、溫協寧村盤石樂清大荆等營、并

金處二協歸與溫州鎮統轄、定海營與紹興協守營歸與定海鎮統轄、台州寧海黃巖太平及寧波象山二營歸與寧海鎮統轄、今除平陽溫州定海三鎮照舊不議外、原寧海鎮已改爲黃巖鎮、應將黃巖城守營台州協守營寧海營太平營與寧波象山二營仍歸與黃巖鎮統轄、統候部議定奪、又各鎮營內如有應換

敕書關防及各官應換劄符、俱候部覆奉

旨之日、容臣查明另疏題

請換給其餘各府營制先經題定均無庸議臣謹會
同浙江提督臣塞
合詞密

題伏乞

皇上

睿鑒

敕下該部查議施行

康熙十年六月初五日

題七月初二日奉

旨該部議奏

添造防海軍火器械

題爲議請添造軍火器械以資海防事臣准兵部

咨開云云等因移咨到臣准此隨行布都二司

遵照去後今據該司詳稱云云等因到臣據此

該臣看得軍火甲械爲營伍之要具防禦所首
資若設兵而軍械不敷將何以折衝禦侮臣案
據各營紛紛呈請補給缺額軍器隨行都司議
詳至於戰船需用砲械軍火等器或於各處通
融給發或須另請製造經臣於條議整練戰船

水師機宜疏內

題明部行砲械火藥等項、既稱另疏具題、俟題到聽部議覆等因、臣屢檄該司確查各營先後裁兵甲械、暨各投誠繳存庫貯各器藥、逐一核實、以堪用者抵給、不堪者估變、再四覆核、酌減、臣又思各營缺額軍器甚多、需用工料甚繁、當茲錢糧匱乏之際、自應加意樽節、駁行該司分別衝緩去後、茲據詳覆沿海汛地、并督提二標、有全省應援之責、其各標鎮協營實缺軍器及戰

船軍火器械、臺寨需用砲火、誠為海防勢所必需、而備禦斷不可少、除各營實在、並各兵自備、以及通融抵給外、其實缺額需用甲械砲火等項、業據移會藩司、酌請於康熙十年地丁錢糧內動支造給、合無仰懇

皇上俯念浙臨濱海要地、准令製造給發、俾防剿守禦均有攸賴、再查各營不堪器械、不敢糜費、概請製造、有稍可修整者、并議修整抵數充用、但修整工料、有多寡不同、非可懸揣預計、應俟部

覆奉有

俞旨准造缺額軍器完日容臣彙冊

奏銷除將該司送到清冊揭送工部查核外臣謹

會同撫臣范

提督臣塞

合詞密

題伏乞

敕下該部議覆施行

康熙十年六月初五日

題七月初二日奉

旨該部議奏

報旋省日期

題爲恭報微臣旋省日期仰祈

睿鑒事臣於康熙十年二月二十六日遵

旨巡歷沿海啓行先經題

報在案臣經由金處以至温州直抵平陽浙閩交界

處所復巡溫台寧紹四府沿海各汛地親歷山

巔懸崖跋躄峻嶺邊界逐一審度險要形勢酌

定防禦機宜所過地方一切官評賢否民生疾

苦臣皆悉心體訪如官弁之有益於兵民者嘉

獎勸勵若官員之有害於百姓將弁之無裨於營伍者分別叅處以及斟酌沿海營制停減臺寨工程與夫安設戰艦哨船等項凡關防海要務見在另疏具

題今浙東沿海各郡巡歷已周臣於五月二十九日旋省所有微臣旋省日期并一應

欽部案件俱於臣旋省之日扣限完結相應一併

題明伏乞

睿鑒

敕部查照施行

康熙十年六月初五日

題七月初五日奉

旨該部知道

糾叅台紹將備

題爲特叅尅餉冒估之將備、以肅軍政事、竊惟給
餉贍士、乃兵馬騰飽之先資、營伍無虛、爲討核
軍實之首務、臣叨膺重寄、日以足食足兵爲念、
其於各營、尅餉有禁、冒糧有禁、已不啻耳提面
命三令五申矣、不意猶有愍不畏法、如署理台
州副將事、左營都司僉書霍維鼎、與紹協左營
守備艾進寶、其人者、先是台州副將于國柱、旣
以扣餉被叅、暫委左營都司霍維鼎護理印務、

乃維鼎踵仍陋轍、扣剋公行、臣據兵丁王四等之訐告、隨行黃巖鎮總兵官確查提究去後、今經查訪果真、并開劣款前來、何台屬之兵丁、戍守獨苦、而台屬之營弁、扣剋獨工、耶、又紹興協標守備艾進寶、分防觀海衛汛地、臣巡歷所過、目擊本弁頹廢不堪、營伍不整、隨行調取該汛官兵、逐名查點、計缺額虛伍數至四十餘名之多、雖據稱公差患病、而言語支離、不足憑信、且邊海要汛、豈容一時缺兵如許、明係縱放賣閑、

虛佔冒糧之弊、臣隨嚴行定海鎮總兵官確查、并據開報劣款前來、是霍維鼎之扣剋月餉、艾進寶之冒佔兵糧、皆軍政所當首嚴、而國法難容輕貫者、其餘劣蹟、特其剝罪耳、臣謹將二弁賊款事蹟、據實臚列、爲我

皇上陳之、

護理台州副將印務該標左營都司僉書霍

維鼎劣蹟 云云

紹興協標左營守備艾進寶劣蹟 云云

以上二弁或尅餉剝兵、或冒糧虛伍、旣已有
干軍紀、難容玷列戎行、相應糾參、請

旨斥革、并款內有各人犯一併提問究擬者也、臣謹
會同浙江提督臣塞 合詞具

題伏乞

敕下該部查議施行、

康熙十年七月十三日 題八月十六日奉

旨、這所參霍維鼎、艾進寶、俱着革了職、其尅餉各款、
并本內有各人犯、該督提問、究擬具奏、該部知道、

撫院告病特疏 請畱

題為撫臣賢勞偶恙、士民臥轍情深、臣謹據實上
聞、仰祈

睿鑒事、臣自遵

旨巡海、於五月之杪旋至省城、先於途次接准撫臣
范 咨文、為病患日深等事、內開積勞加疾、

例請代

題辭任緣由、臣隨回咨慰、畱調養、聞及抵省之後、
又連准撫臣三次咨文、情詞甚切、臣復屢次親

行面勸并照前回咨慰畱在案當據省城鄉紳士民連名合詞保畱初猶士民數百人呈詞數十紙迨後日甚一日杭嘉湖寧紹金衢嚴等府屬縣紳士商民軍丁匠竈人等投詞哀控共計一百五十餘張其間愛戴懇畱之語難以備述而省城百姓憂惶靡措遂至罷市數日臣俱給示安慰并面諭照常樂業外竊以撫臣范以中秘之儒臣蒙

皇上特簡浙撫自蒞任三年以來謀

國如家視民若子凡於地方政務民生休戚日夕講求力行鉅細必期妥當而於勘荒恤災一事焦心勞力不憚風霜不辭跋涉以致文弱之軀偶嬰勞頓之症在撫臣致身大義分固宜然而臣庸菲下材得以分猷共理相與有成是以浙民年來當積敝奇荒之時而民生不致重困者皆撫臣之力也臣誼忝同寅原無薦揚之例故不敢以撫臣清操幹濟縷達

宸聰然有臣若此地方愛戴若此臣身任封疆獲與

共事、又何敢不以一方倚賴萬口同聲之至情、而不備陳於

皇上之前乎、伏查定例、督撫以病請告者、撫臣例係督臣代

題、今臣俯順民情、實爲地方起見、且親覩撫臣范所患之病、惟因勞傷過度、以致飲食減少、形神消瘦、若得靜養調攝、則醫藥自可奏功、原非不起之病也、是以不敢遽爾入

告、蓋保釐地方之事大、愛惜僚友之事小、此臣義之

所不敢出耳、茲聞撫臣因臣不允代

題、已經瀝情上

請、臣目擊地方紳士四民情真念切、不啻嬰兒之去、怙恃雖呈詞繁冗、不敢備達

御前、卽臣與撫臣移覆往來咨文、亦不敢輕瀆

宸聽、惟是闔屬紳士四民迫切保畱之情、臣不得不瀝疏上

聞伏祈

皇上俯鑒浙省爲邊海要地、撫臣范爲賢勞重

臣輿情之呼籲最殷、偶恙之調攝可起、特賜
天語下頒、俾撫臣范 畱任調理、照舊供職、則保
障封疆、慰安黎庶、地方幸甚、萬姓幸甚、臣不勝
激切冒昧之至、伏乞

睿鑒施行、

康熙十年七月十三日

題八月十四日奉

旨、已有旨了、該部知道

彙報浙屬災傷

題為彙報旱蝗異災情形、臣謹恭疏上
聞仰祈

睿鑒事、據浙江布政司詳稱云、等因、到臣、據此、又

據都司詳稱云、等因、各到臣、據此、該臣看得

浙省兵燹之餘、雖使雨暘時若、歲穫有秋、尚不
能頓甦民困、不意上年既罹水災、今歲復遭奇
旱、自五月下旬以後、卽已雨澤愆期、然猶微雨
時行、鄉農尚得竭盡心力、從事車戽、乃自六月

望後、以至七月之杪、四十餘日、霖雨不施、百計
靡求、

天心莫挽、其間雖或密雲間作、微風稍濡、然而烈日如
火、十暴一陰、泉竭河乾、田苗盡槁、加之因旱生
蝗、僅存之苗、殘餘幾盡、將來卽得甘霖、亦無救
於已枯已壞之禾矣、兩旬以來、里民呼籲之狀、
百十紛投、有司告災之文、積案盈几、其慘苦情
形、真有耳不忍聞、目不忍見者、但以詞屬繁冗、
不敢概入疏中、謹摘敘各屬申詳仰祈

宸鑒、如杭州府屬之仁和錢塘海寧富陽餘杭臨安
新城於潛昌化等縣、嘉興府屬之嘉興石門桐
鄉等縣、湖州府屬之歸安烏程長興德清武康
孝豐安吉等州縣、紹興府屬之諸暨新昌等縣、
台州府屬之臨海天台寧海等縣、金華府屬之
金華蘭谿永康浦江湯溪等縣、衢州府屬之西
安龍游江山常山開化等縣、嚴州府屬之建德
淳安桐廬遂安壽昌分水等縣、處州府屬之麗
水縉雲青田遂昌龍泉景寧宣平等縣、以及杭

台衢嚴各衛所或以旱災告或以旱蝗二災並告總計浙省七十六州縣耳而災傷者已有四十七處雖尚俟踏勘分別而將來續報者尚不與焉竊以天災流行何時蔑有然未聞若是其甚者也此皆徵臣奉職無狀以致感召

天變貽殃下民伏乞

皇上速賜罷斥以爲不職之戒除臣等率屬修省停訟緩徵一面轉行各該府查勘受災分數補贖

上

聞并嚴飭不許捏報滋弊及加意軫恤災黎外所有旱蝗秋災情形合先據實題

報臣謹會同撫臣范

合詞具

題伏乞

皇上睿鑒

敕下該部查議施行

康熙十年八月初十日

題九月二十三日奉

旨該部知道

查覆從無陞員屬縣

題為地方之做壞日甚、人材之廢棄堪憫、請

敕部覆亟議振起整理事、據浙江布政司詳稱云云

等因到臣、據此、該臣看得各省地方做壞、從無

陞任之官緣由奉

旨、敕臣等確察議奏、遵卽備行布政司、會同按察司

糧驛守巡各道、逐一通查去後、今據該司道會

詳前來、查浙省所屬杭處等十一府七十六州

縣、除已有陞任者、不必再議外、其從前竝無陞

任之官者、則係杭屬之海寧、富陽、於潛、嘉屬之嘉興、嘉善、海鹽、平湖、石門、湖屬之歸安、長興、孝豐、寧屬之奉化、紹屬之上虞、諸暨、金屬之東陽、衢屬之常山、台屬之臨海、黃巖、太平、仙居、溫屬之樂清、平陽、泰順、處屬之青田、松陽、雲和、慶元、景寧等、共計二十八縣也、其間有丁憂病故、老疾告休、與原籍緣事、前任議處者、固與地方無涉、又有貪墨被糾、註誤蒙議、以及

計察去任等官、則係本官才行有虧、亦非地方之坐因也、惟是浙屬荒殘地方、惟台溫處三府爲最、以致歷年催徵不前、守令降革接踵、今溫處二屬積荒田土、業已兩奉

恩蠲、而台州一郡積荒、亦經臣等見在確查、俯容另疏上

聞是浙省、以前地方做壞、與目前之亟當調劑者、惟荒糧積逋一事、而台溫處三府則尤甚耳、臣等身任封疆、敢不勉竭駑鈍、副容次第入告、以期仰副我

皇上殷憂圖治之至意乎、又據各該司道議稱杭嘉湖三府之仁和嘉興烏程等一十四縣皆屬最繁之邑、必得長才潔守、方克勝任、恐初入仕途者、未諳刑名錢穀、似應於僻小之縣、歷任三年、錢糧全完賊盜全無者、調繁補用、庶駕輕就熟、催撫得宜等因、臣等竊以調繁一議、原爲論地擇人、因能授官、實於吏治民生兩有裨益、但應否允行、恭候

睿裁、非臣等所敢擅議也、除據藩司敘述各府縣詳覆敝壞緣由、言詞繁冗、不敢贅入、已經該司備造清冊、揭送吏部查考外、臣謹會同撫臣范

合詞具

題伏乞

敕下該部議覆施行

康熙十年八月二十四日

題十月十九日奉

旨該部知道

請復郵道

題爲糧驛萬難兼轄懇祈特賜具

題以重地方以崇職守事據浙江布按二司詳稱

云等因到臣據此該臣看得浙省舊設驛傳

鹽法道一員職司郵政兼理鹺務誠緊要之監

司也嗣因裁減守巡各道乃議將糧儲道兼管

驛事頃據糧驛道詳稱糧驛繁重萬難兼轄請

照各省之例崇設驛鹽一道等因臣卽批行布

按二司去後茲據該司會議詳稱驛傳一道原

係崙設臬副、經理皇華要務、填給勘合火牌、給發驛站錢糧、備船應夫、最稱繁困、而糧儲所轄掌

天庾之重、理轉輸之繁、日不暇給、若兼司驛鹽政、繁任鉅、恐一時差使雲集、湊值糧務督輓、皆須親身遍歷、則顧此失彼、勢必有悞、機務况驛道兼理鹽法、事務甚繁、必須崙員料理、方無叢脞之虞、請照直隸江南湖廣江西福建雲南各省專設一官之例、詳請會

題前來、臣查浙省水陸要衝、爲八閩之咽喉、又與江南江右接壤、戎馬絡繹、供應繁難、原與他省不同、况兼理鹽法、任重事繁、尤非冗員可比、故該司道咸從地方公務起見、乃有糧驛不能兼攝、請照江西滇閩等省事例、仍設專官綜理之議也、應否准從、合候部議請

旨定奪、臣等未敢擅便、旣擬布按二司會詳酌議前來、臣謹會同浙江撫臣范

巡鹽御史臣鳴

熊 合詞具

題伏乞

敕下該部議覆施行

康熙十年八月二十四日

題十月十九日奉

旨該部議奏

報出洋搜剿

題爲遵

旨出洋搜剿恭報發師日期仰祈

睿鑒事竊照浙省逼近閩洋逆孽遺氛未靖自康熙七年水師盡撤之後賊踪時見飄忽島嶼不無藏奸昨歲蒙

皇上允廷臣之議兼採臣等芻蕘復設水師戰船每年春秋二次出洋搜剿臣等以水師初復一切船隻官兵器械等項尚須整理操演方可調度

出洋先經密疏恭

報在案頃者修船練兵業已就緒捐造哨船俱報完
工以之搜剿沿海各島儘可決策制勝茲值秋
汛之期臣與撫提二臣籌兵措餉刻期出師遵
照原議酌發定海鎮總兵官率領本標水師船
隻配以提標官兵搜剿林門南田舟山普陀金
塘等處并附近零星各島黃巖鎮總兵官率領
本標水師船隻配以該標戰兵搜剿牛頭門石
塘山等處并附近零星各島温州鎮總兵官率

領本標水師船隻配以該標戰兵搜剿三盤王
環山等處并附近零星各島臣等密授方畧訂
於八月二十四日開行出洋并令黃溫二鎮船
兵從閩洋交界自南而北定海鎮船兵從江南
交界自北而南又經臣等印發招撫告示遍行
張掛飭令是民帶回是賊剿殺一應島嶼蓋索
種植之處盡行毀除毋畱餘孽又酌畱船兵扼
守要汛及密飭平陽鎮總兵官暨沿海各營汛
將弁加意堵禦以防餘孽奔逸并密移靖藩臣

與福建江南督提諸臣知會去後統俟旋師之日容臣等將各鎮官兵搜剿情形另疏報

聞總期逆氛屏息海澨肅清以仰副

皇上南顧之殷也臣謹會同撫臣范

提督臣塞

合疏密

題伏乞

皇上睿鑒施行

康熙十年八月二十四日

題十月初四日奉

旨該部知道

請定漕白糧開徵限期

題爲請定徵糧限期以廣

皇仁以甦民力事竊以我

皇上軫念民瘼宵旰不遑歷年以來除各省之荒賦

發帑金以賑饑凡遇地方水旱災傷之歲

賜蠲賜恤特出

睿裁惟恐小民一人不得其所雖古五帝三王之惠

政仁心不足過也臣以庸愚備員竊祿適災稔

之游臻思補拯而鮮術茲有無礙

國儲可甦民困如漕白糧開徵限期一事敬爲我
皇上陳之伏查漕規舊例十月開倉十一月徵收十
二月受兌正月開行二月過淮故有冬兌春開
之說蓋使小民輸田畝所出納

上供所入其稱次年起運上年糧米誠便民之深意
也近例改爲八月開倉九月徵收十月徵足十
一月交兌十二月開行乃有冬兌冬開之說在
主計諸臣以爲

天庾玉食所係寧早勿遲固從慎重

國儲起見惟是南方晚稼八月秀而未實必至霜
降以後甫能刈穫登場且有遲至十月方纔收
割完備者此天下所共知也祇因立有定期徵
糧之有司八月不得不開倉九月不得不追比
彼印糧官之奉職循良者尚能體恤民隱稍緩
刑責若不肖官役罔顧民艱止知敲扑里甲輸
將未齊糧長設措應卯其間典鬻質當勢所難
免故有購糴新嫩之米上倉而駁換不收者有
窮窘措處無出而在受刑比者曠日守候廢業

失時。究竟必至十一月甫能糧米完。是是從前時日。徒爲官役胥差倉歇米牙人等。張吻磨牙。以遂其誅求橫索之計。於官糧毫無裨益。而百姓已罹無涯之苦矣。若至十月開倉徵納。俾里甲以田畝收穫之米。交付糧長。糧長以花戶額輸之米。上納完倉。則米質圓實。旣無駁換之煩。依限交收。亦無刑比之累。究竟於完足交兌之期。畧無違誤。而百姓實蒙無涯之惠矣。故限期早。則有司凜於考成。糧里苦於刑責。上官亦迫

於

功令。雖欲調劑而無從。是官民交困也。限期緩。則官得寓撫字於催科。役亦無所施。其詐害民自不致剝肉醫瘡。所謂立法而無弊。是公私兩利也。臣故曰

國儲無礙。民力可甦者。此也。矧浙省昨歲水災。今年奇旱。凡田禾已槁者。小民方救死而弗遑。卽有得雨獲甦者。稻穀見在田而未獲。若欲副八月開倉十月完足之限。縱盡斃糧里於比責。斷

斷不能也。臣請

皇上大沛如傷之仁

俯准今年漕白二糧徵收限期定以十月初旬開倉十一月徵比十二月上旬完足一面配船交兌卽時催餉陸續開行仍副冬兌冬開二月過淮定例不致稍有遲缺臣等願任飭催力保無誤是

朝廷止稍寬徵比之限而開行時日依然恪守勿渝上供糧儲竝無虧損濡滯之慮也抑臣更願

皇恩嗣後每年定於十月開倉十一月徵收十二月完兌開行永著爲例惟嚴飭不許有逾過淮抵通定限如遲將糧運各官照例叅處則

天庾充實官民兩便東南數百萬戶口咸仰戴

皇仁億萬載於無疆矣臣從

國計民生起見仰祈

皇上睿慈鑒察

俯賜全覽臣謹會同撫臣范

合詞具

題伏乞

敕下該部議覆施行

康熙十年八月二十四日

題十月十九日奉

旨該部議奏本內漢字兩訛兩着改正飭行

請動朋扣歲充燁筴費用

題爲請復戰船經費以資防剿事據浙江布政司

詳稱云云等因到臣據此該臣看得浙省爲瀕

海重地戰船爲防海要需當此逆氛未靖之時

務必平時整理堅完方可臨時出洋搜剿惟是

各船日浸漾於斥瀆之中時值夏秋之候水鹹

天熱蟲蟻易生必須勤加燁洗隨時船縫則燁

柴艙灰必不可少者也至於戰船飄泊海洋衝

風抵浪所恃以無恐者惟篋筴篷緯是賴但篷

筋乃竹箬編絞之物、縶索乃苧麻搓縷之繩、日晒雨淋、不時損壞、則添修補換、亦勢所必至者、也是以臣等上年具有請復戰船經費等事一疏、

題畱朋扣銀兩、以爲備辦燂柴艙料及篾笏篷縶之用、部議以寧台溫戰船一年小修、三年大修、題有定例、嗣後不必另動錢糧燂洗、無庸議復等因、臣等何敢再爲賣

請、惟查部議謂不必燂洗者、以有每年小修之例、故也、殊不知浙省戰船、向係三年小修、五年大修、若遵照部文、竟不燂洗、則船身勢必腐蛀、篷笏勢必朽爛、以數千盈萬之將士甲兵、寄命於波濤之險、是不可因小而誤大也、若責令燂洗、而辦料無貲、勢必弁兵捐俸、扣糧、念此荷戈擐甲、夾命疆場之衆、而忍使俸餉有虧乎、是又不可省費以措下也、設若遵照部文、每年小修、無論估計修船之時日多於乘坐駕使之時日、若遇搜剿出洋、未免兩相耽誤、即就工料價值計之、

燬筋之費、大船每年不過用銀一十五兩不等、小船不過六七兩不等、而小修工料、每大船有二百餘兩、小船有一百餘兩、五六兩不等、是小修之費、十數倍於燬筋之費、故欲從節省錢糧起見、尤宜允從、每年燬筋而不宜議及、一年小修甚明矣、臣等奏為封疆大吏、凡屬國計地方之事、不敢不熟計深籌、况關係海防重務、而敢因循緘默、不以入

告乎、伏祈

皇上俯念戰船燬筋為萬不可少之需、

准照康熙五年以前成例、將各該營每年朋扣銀兩、畱為該營燬筋、篷、維等用、仍於年終咨臣與撫臣核實銷算、報部開銷、不容稍有浮冒、是經費實以省費、而所關於海防者、匪細故也、臣准提督臣咨會暨三鎮藩司確議相同、謹會同撫臣范提督臣塞合詞具

題伏乞

敕下該部議覆施行

康熙十年九月初九日

題十月二十六日奉

旨該部議奏

請減漕截

題爲漕弊相沿累民請徹底釐剔以甦重困事據
浙江布政司詳稱云云等因到臣據此該臣等
會看得浙省漕截銀米一案先經臣等會疏
題明俟今歲酌定具

題部覆奉有

俞旨隨經備行糧驛道再四核減并行布政司會同
酌議屢經駁覆去後茲據該司道詳稱查漕截
先年

題定蓋亦因地酌宜以爲運丁添管提溜經洪剝
淺之需是以從前弁將濕潤耗米折銀每正米
弁二五耗米百石共給銀三十七兩六錢四分
今經酌議內除截銀二十兩難以議減且據杭
嘉湖三郡成稱民願無庸再議惟是加贈濕潤
米九石八斗折銀一十七兩六錢四分當日原
以時值起見今斟酌適中每石減銀三錢折銀
一兩五錢以通漕合算約減銀二萬五千兩有
奇其正米弁二五耗米每百石折徵截銀三十

四兩七錢在民無銀米兩徵之煩在軍亦無額
外加索之費等因前來臣等竊以漕糧關係

國儲要在民力稍蘇軍無重困斯可垂之永久前

此定議每漕米百石徵給貼截銀三十七兩六
錢四分亦既行之有年矣所以屢經科道條陳

土民籲減者蓋固有江北五米五銀江南五米

十銀之例故舉以爲援也但漕規各省不同固

難一概而論惟此三十七兩六錢四分之數內

有截銀二十兩難以議減民亦願輸似無庸置

議矣。其加贈濕潤米九石八斗。當日議徵每石
折銀一兩八錢。事在順治八年。米價騰貴之時
也。今米值既已稍平。不得不爲調劑。然議欲每
年照時徵銀。則歲歲議論。事屬紛紜。又擬欲按
徵本色。而米色斛而難免爭執。似於軍民俱不
相宜也。今酌定每石減價三錢。實徵一兩五錢
給軍。雖比江南事例有異。較之時值尚浮。而民
力較舊稍輕。運丁必須敷用。此臣等再四斟酌
實爲適中之道。至於運官運丁。初時惟恐比照
江南之例。議減太多。亦曾迫切呼控。但臣等身
任封疆。凡事俱從。

國計民生起見。軍民總屬一體。原無岐視異同。其
間哀多恤困。總期事理得平。糧務無誤而已。統
計每漕米百石。共徵貼截銀三十四兩七錢內。
二五耗米。隨正徵給。一五耗米。不准徵截。仍照
舊例而行。此外不許私加分釐耗貼。仍力行官
收官兌之法。相應請

旨嚴飭永著爲例者也。如有印糧官役運弁旗丁額

外私勒橫派者容臣等指實

題參重處如此則軍民兩得其宜而漕糶端有攸
賴矣再查漕糧項下有灰石折銀一項扣該徵
解截米一千六百三十二石零亦應一例每石
徵銀一兩五錢共該徵折銀二千四百四十八
兩二錢零此係解部之數理合一併

題明既據該司道詳覆前來經臣等覆核無異除
將該道送到銀米清冊揭送戶部查核外臣謹
會同漕運督臣帥
浙江撫臣范
合詞

具

題伏乞

敕下該部議覆施行

康熙十年九月十九日

題十月二十九日奉

旨該部核議具奏

請加蠲平糶

題爲浙省受災甚深黎民游饑可憫仰懇
睿慈特准加蠲平糶以廣

皇仁以救子遺事竊照浙省各郡邑今年旱蝗災傷
情形先經臣等屢疏上

聞其受災分數與例蠲錢糶亦經臣等查勘明白見
在另疏陳

請矣惟是兩浙連年水旱在恒產有力之家則以收
獲微薄而竭歷於輸將若貧窮無力之民則以

粟貴時艱、而啼號於凍餒、臣等身在地方、目擊困苦、諸如緩徵省訟、通糴勸賑等務、凡可率屬力行者、無不拮据圖維、以期補拯災民於萬一、今有恩典特出、

皇仁而士民翹望甚切者、臣等不敢不瀝情仰籲於皇上之前也、伏查淮揚等處連歲水患、上年曾蒙睿慈於定例蠲免之外、特准加蠲、故部臣議將田地受災十分九分者、錢糧全免、受災七分八分者、准免四分、受災五分六分者、准免三分、業奉

俞允在案、茲浙屬雖與淮揚巨浸不同、然而上年水災異常、今歲旱蝗獨甚、是爲凶荒游臻、小民咸有家無擔石、朝不謀夕之慮、故屢屢向臣等衙門投呈哀控、欲援淮揚加蠲之例、其詞語繁冗、固不敢瑣瀆、

宸聰而迫切之情、又不得不摠實入

告、卽不敢盡引淮揚全免及加蠲二分事例、但減得一分一釐、則小民獲沾一分一釐之惠、仰祈皇上如天至仁、

准將今歲浙屬受災田畝或於定例蠲數之外酌量
加蠲一分半分

特敕部臣議覆允行俾饑民得以竭蹶之輸將少濟
目前之衣食此臣等與災黎咸引領而懇望

皇恩者也又查上年撫臣范 會同微臣具疏

題爲災民枵腹難待商米接濟不前謹先題

請准令量動庫銀買米平糶急救饑餓事議發司庫
存留銀兩遴選能員前往江楚採買米穀一照
買價平糶與民照數傾銷還庫等因亦奉

部議覆蒙

恩俞允在案今歲秋收鮮獲冬春之際勢必米價騰
踊粒食爲艱合請

皇上准照上年成例容臣等暫動司庫存留銀項遴
委差員就近於江南江西湖廣隣境地而擇其
米價稍平之處糶買運浙酌發各郡縣照依原
價出糶與民收回原銀補還司庫吏請

敕下關鈔守隘等官驗明放行不得苛稅撓阻庶饑
荒待食之萬姓養發獲度可免流離死徙之虞

此亦臣等與災黎咸引鏡而惡望
皇恩者也、以上二事、臣等節體

皇上愛民之深仁、實為時下拯救災民最切之
恩澤懇祈

睿慈俯鑒允行、其於恤災救民之道、實有攸賴矣、再
查條

奏事款例、應分疏、但此二事、均屬恤災、原與款件
條陳不同、相應一併

題明、臣謹會同撫臣范
合詞具

題、伏乞

敕下該部、速賜議覆、行臣等遵照施行、

康熙十年十月初八日

題十一月二十五日奉

旨、該部議奏、

請開捐賑事例

題爲救荒首重賑濟謹

生附暫廣捐輸之例以裨實用事竊照浙省連歲凶荒
今年旱蝗特甚、總計闔屬十一府七十六州縣、
先後報災者六十七處、其餘雖有未報災傷及
報後勘不成災者一十餘處、但止緣受傷輕減、
與定例分數不符、是以不敢一概陳請、實非豐
稔有收也、辰下米價騰貴、十室九空、民間餓殍
并食、菜色鶻衣者比比皆是、而饑寒殍殮行乞

道途滿目皆然、數難勝計、當此嚴冬、凍餒交迫、之時、延至來春、青黃不接之際、自非設法賑濟、何以起溝壑之餘生、而稍延殘喘乎、臣等身任地方、憂惶實甚、惟是

國家度支浩繁、既不敢輕請

帑、又因上年水災之餘、各屬積貯穀儲業已發賑、殆盡、是今年救荒首策、舍賑濟更無別法、而賑濟之法、舍勸輸再無別圖也、伏查捐賑大例、官員捐銀五百兩、米一千石者、紀錄一次、民間

俊秀亦然、今官紳與素封有力之家、若欲照額捐輸、則以歲歉時艱、恐力有不能、設或輸不及額、則與定例不符、又將何以示勸、故勸輸之法、舍減數亦無別策也、臣又查康熙七年、直省督

臣白 條

奏恤災事例、官員捐銀二百五十兩者、紀錄一次、捐銀五百兩者、紀錄一次、捐銀一千兩者、准加一級、生員捐銀二百兩者、俊秀捐銀三百兩者、准與入監讀書、富民捐銀四百兩者、二百兩者、准給

八九品頂帶榮身若捐米者數則倍之今臣請
浙省捐賑銀數照此例而行至於前議捐米
倍於銀數者以米價平賤故也今浙中米價每
石時值一兩四五錢不等臣擬捐米者亦照銀
數爲率如此則輸額減少人易爲力而廣開功
名激勸之路庶幾願輸者衆而賑濟克有攸賴
矣抑臣思直省恤災事例乃奉

特旨允行後不爲例然浙省黎民游饑待賑彌急既
無官帑又乏積儲勢不得不從權額

請伏乞

皇上特賜

俞允敕部速行臣等遵照俾嗷嗷待哺之饑民得以
苟延性命不致死徙流離此出浩蕩

皇仁之特典耳至於捐輸銀米姓名數目悉照見行
事例臣等按季具

題至來年九月終停止其分給各屬或令散米或
令賑粥各事宜容臣等酌量而行事完造冊題
報可也臣謹會同撫臣范 合詞具

題伏乞

敕下該部速賜議覆行臣等遵照施行

康熙十年十月初八日

題十一月十七日奉

上其該部議奏

請改折杭屬漕糧

題爲杭屬旱荒獨甚謹援例籲

請改折漕糧以恤災黎事竊照浙省地形自省城以西地處窪下宜旱而不宜水自省城以東地多山麓宜水而不宜旱是以今歲旱乾惟杭嚴金衢等府爲甚蓋因高田車戽無水故被災較他處更重亦猶上年水潦惟嘉湖二府爲甚則因窪田洩注無所故被災比他處獨深其義一也臣等見在請蠲請賑交章籲懇

皇恩矣。此復以杭屬折漕上

陳者。又緣金嚴等府。例無漕糧。所徵秋南等米。額充本省兵糈。難以議。初。杭屬坐臨省會。戶口繁多。茲以秋收。鮮獲雜買。惟艱。屢提士民。援例請折。紛紛呈控。前來伏念漕糧關係

國儲。何敢輕言改折。但思臣等既蒙

皇上畀以封疆。重任。則惟以廣布

皇仁。愛養百姓。為務。今日擊百姓困苦。又何敢隱忍而不以上

聞乎。隨將災民所控呈詞。批行糧儲道。酌議去後。頃

據該道詳稱

云

等因。到臣。據此。該臣看得浙

省上年水災。幸蒙

皇上加恩。蠲恤。又

允改折嘉湖二府漕糧。小民已咸慶更生矣。不意今年歲旱。蝗特甚。而杭嚴金衢各郡邑。地高山多之處。被災尤深。除原無漕糧府縣。不敢一例陳

請外。惟杭州人稠土窄。粒食艱難。在貧窘無力之民。固以饑寒迫身而死亡相繼。即素封有產之家。

亦以涸饑收薄而設措計窮是故士民咸以請
折漕糧爲控臣等屢念

國儲再四籌酌本不敢輕易入

告但思上年嘉湖災重杭屬災輕則惟請折嘉湖而
不敢概及杭屬今歲嘉湖災輕杭屬災重則亦
請折杭屬而不敢概及嘉湖在災民哀籲

天恩迫切之念原出一揆在臣等仰體

皇上愛民之心似難異視非謂

特恩可以屢邀輒敢冒昧輕瀆

宸聽也茲據糧儲道詳查杭州各縣受災田地共一
百五十二萬一千八百六十五畝零應徵漕糧
正米四萬八千三百八十八石零請照上年成
例每石折銀一兩計漕折銀四萬八千三百八
十八兩零徵銀解部并請

蠲免耗米一萬九千三百五十餘石給軍漕截使費
銀二萬二千七百六十餘兩其減船一百七隻
零所省運軍本折行月糧銀六千四百一十餘
兩米七千九百餘石以及輕賣枋木席板隨糧

應解各項錢糧仍行解部至漕截銀兩先經會
題請減在案見照

題減之數核算聽候部示等因呈詳前來伏乞
皇上如天至德特准

允行俾饑荒垂盡之災黎得以措銀完納免粟貴粒
食之艱省糴米裝運之苦不特生靈百萬咸沐
洪恩而且物力稍紓培養元氣其於財賦與區實大
有裨益也臣不勝籲

恩激切之至除將該道造送清冊送部查核外臣謹

會同撫臣范

合詞具

題伏乞

睿鑒

敕下該部速賜議覆行臣等遵奉施行

康熙十年十月十九日

題十一月二十六日奉

旨該部議奏

會同辦理

台晴具

報台屬實荒田地

題爲清查實荒田地事、據浙江布政司詳稱云云、
等因到臣、據此、該臣看得浙省台州府屬之臨
海、黃巖、寧海、天台、太平等縣、處濱海斥鹵之地、
遭先年寇躪之餘、田地大半拋荒、額賦因而逋
欠、臣於奉

旨巡歷沿海之時、據士民紛紛控籲、咸謂連歲兵燹
災荒、人民逃亡、死徙、地土積久荒蕪、請乞勘實
蠲豁等情、臣因思浙屬積荒田地、先經前任督

撫諸臣屢次

請蠲在案何故尚有拋荒之田隨加詰問里民據稱有因人戶亡絕號改荒逃里甲不敢代報者有止報衛所荒地者有包賠已竭續逃續荒者以致今日賠數益多困苦益甚及詢從前縣官何故不報緣由則因各該印官目視里民拋荒田土逋餉無徵當其受事之初卽萌去任之志席未及煖而降革接踵所以因循積累有由然也先是撫臣范 遵

旨查勘衛所荒田曾據士民控懇已備行布政司轉行各府州縣確查去後又查撫臣先於徵臣遵旨踏勘等事疏內已稱溫台等處荒坍田畝尚有題報之外無主荒田未入冊者仍在包賠等語繼於無徵荒逋額

愚確查等事疏內復稱原報之外尚有未經入冊荒田實在包賠者見行地方官確核造冊等語撫臣兩疏俱已聲說明白在案頃臣巡行所過親見山坵原隰之間滿目荆榛一望無際甚有數

十里絕無人跡者似此土棄民逃臣與撫臣稔
悉情形最真極確安敢隱嘿而不亟圖拯救乎
隨行布政司確查實荒田地勘實造報去後茲
據該司詳稱勘實積荒田土據臨海縣造報實
荒田地蕩共七萬四千四百二畝零共無徵銀
四千二百六兩六錢四分零共無徵米五百二
十五石七斗五升零黃巖縣造報實荒民屯田
地共五萬三千四百六十三畝零共無徵銀三
千九十七兩六錢九分零共無徵米四百二十

九石二斗一升零太平縣造報實荒田地共五
萬二千四百六畝零共無徵銀三千三百二十
三兩三分零共無徵米四百三石六斗二升零
寧海縣造報實荒田地共一萬六千七百七十
五畝四分共無徵銀九百一十四兩九錢三分
零共無徵米五十九石一升零天台縣造報水
冲田地共五千三百四十一畝零共無徵銀三
百二兩五錢七分零共無徵米一十五石二斗
四升零詳請

題蠲前來合五縣之實荒水冲田地無徵銀米計
之共應

請蠲銀一萬一千八百四十四兩八錢八分零米一
千四百三十二石八斗六升零當此經費浩繁
之際臣等何敢輕言蠲賦惟是田地實實拋荒
窮民包賠莫措以致

正供賦稅年缺一年邊海民窮日甚一日妻兒賣鬻
已盡刑比血肉淋漓已逋之積欠終不可追未
荒之田土愈增逃棄臣以爲與其徒掛有名無

實之虛數不若概施甦息安集之

洪恩不得不仰叩

皇仁特賜

蠲免俾積困子遺一旦獲蘇賠贖之苦庶見在者不
致復逃未荒者永無再棄民歸復業開墾可期
不特窮黎厚沐再生而有額無徵之有司亦不
至年年降革每歲

題叅送往迎來以貽地方之重累矣至於天台縣
水冲田地先經撫臣蔣具

題照例扣免康熙七年額賦，但因彙於水災案內，例係止免一年，今應彙入積荒之案，永請一體蠲免。又臨海、太平二縣積欠糧道項下康熙四、五、六年分本折月廩總屬地丁錢糧，夫田土既已拋荒而殘，黎日益凋敝，卽現在之額賦尚且萬難徵輸，况積逋之稅糧，何能重累追補所當仰懇皇仁，准照無徵荒逋一案之例，竝

請蠲豁者也。其各縣清查實荒田畝，該司俱照舊額全書科則造報，俟戶部核允之日，將奉文年分

照依新造全書科則扣算，相應一併

題明。旣據該司備造無徵實荒田地銀米簡明清冊，取其該府縣印結，并將失報各官分晰

啟前

赦後開列職名揭帖一併呈詳前來，除將冊結揭帖送部查核，更有海寧等縣荒田見行該司查勘確實另疏題

請外，臣謹會同撫臣范合詞具

題伏乞

敕下該部議覆施行

康熙十年十月二十二日

題十一月二十六日奉

旨該部議奏

覆黃巖張令清廉實蹟

題爲縣官考成降職士民公懇保留臣謹據情入

告仰請

睿裁事據浙江布政司詳稱云云等因到臣據此該

臣看得黃巖縣降調知縣張中選因帶徵康熙
七年錢糧未完部議降級調用先是臣巡歷沿
海行至黃巖據該縣士民環控保留經臣會疏
具

題部覆行臣等將張中選果否清廉愛民善政實

蹟確查具

題等因遵卽行、據布政司轉行該道府確查詳覆前來、查知縣張中選蒞任已經八載、操守如同一日、若徵收而革除火耗、聽訟而不取贖、緩以及行戶里民、從無科派之擾、勸墾捐賑、悉出惠愛之誠、此其清廉有守、慈惠宜民、確有實蹟、可紀、宜乎衆心愛戴、不禁籲留之殷切也、惟因地處濱海、土瘠民貧、包賠荒賦、實難催徵、以致重罹叅罰、臣等業於清查實荒等事、將該縣田地

拋荒缺賦緣由彙疏具

題在案、再查該縣帶徵康熙八年地丁錢糧、年限已滿、見在覆叅未完三分以上、又應在降調之例相應一併

題明、聽候部議、既據該司呈詳前來、臣謹會同撫臣范合詞具

題伏乞

睿鑒

敕下該部議覆施行

疏章

卷四

全

康熙十年十月二十七日

題十一月二十一日奉

旨該部知道

糾劾劣弁

題爲特糾貪虐劣弁以肅軍紀事竊惟營弁之設專爲撫兵恤民若有貪黷暴虐恣肆妄行者此紀律所首嚴而

王章所不貫也臣職任軍戎告誡申言不啻淳切乃不意有嚮協左營守備李鯤其人者聽竄營私違禁擅利縱其暴戾恣睢之性全無潔身撫士之誠隨處該協副將鄭世雄開報本弁劣蹟前來與臣訪聞無異謹列其事欵據實爲我

皇上陳之

計開

衢州協標左營中軍守備李鯤劣蹟云云
此一弁者婪贓蔑法漁利妄行既於軍紀
有乖難容戎行貽玷所當請

旨斥革并欵內有名人犯一併提問究擬者也臣謹

會同提督臣塞

合詞

題參狀乞

敕下該部查議施行

康熙十年十一月三十日

題十二月二十六日奉

旨這所參李鯤着革了職其貪劣各欵竝本內有名人犯該督提問究擬具奏該部知道

奏賀謁 陵禮成

奏爲慶

賀事康熙十年十一月初九日恭遇

皇上謁告

山陵禮成臣奉差在外不獲同在

廷諸臣躬親拜舞謹望

闕叩頭慶

賀伏以

聖德日新

疏章

卷八

七

顯丕謨而揚

祖烈

皇仁天縱致誠敬以告

山陵嘉典禮之聿成合臣民而胥慶懽騰九有連啓萬

年恭惟

皇帝陛下

躬攬璿圖

首隆孝治自

天開有道紹